



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

11. Intemperantiæ remedia.

urn:nbn:de:hbz:466:1-45701

ditas facta est? cogita quas clades ediderit publica ebrietas. Hec acer-
rimas gentes, bellicosasq; hostibus tradidit: hec multorum annorum
pertinaci bello defensa mœnia patefecit: hec consumacissimos, & ju-
gum recusantes, in alienum egit arbitrium: hec iniurios acie, mero do-
muit. Alexandrum, cuius modo feci mentionem, tot itinera, tot pre-
lia, tot hiemes, per quas via temporum locorumq; difficultate, trans-
serat, tot flumina ex ignoto cadentia, tot maria tutum dimiserunt: in-
temperantia bibendi, & ille Herculaneus ac fatalis scyphus condidit.
Quæ gloria est capere multum? Cùm penes te palma fuerit, & propi-
nationes tuas strati somno, ac vomitantes recusauerint, cùm superflue
toti conviuio fueris, cùm omnes viceris virtute magnifica, & nemo
tam vini capax fuerit, vinceris à dolio M. Antonium, magnum
virum, & ingenu nobilis, quæ aliares perdidit, & in externos mores ac
vitia non Romana traiecie, quām ebrietas, nec minor vino Cleopatra
amor? Hac illius res hostem reipublica, hec hostibus suis imparem red-
didit, hec crudelē fecit, cùm capita Principum cinitatis cœnanti re-
ferrentur, cùm inter apparatissimas epulas luxusq; regales ora ac ma-
nuis proscriptorum recognosceret, cùm vino grauis sisiret tamen sanguinem.
Intolerabile erat, quod ebrius faciebat, etiam si sobrius ficeret:
quād intolerabilis, quod hac in ipsa ebrietate faciebat? Ferè vinolen-
tiam crudelitas sequitur: violatur enim, exasperaturq; sanitas mentis,
quemadmodum difficiles faciunt oculos diutini morbi, etiam ad mini-
mam radij solis offensionem: ita ebrietates continue efferant animos.
Nam cùm sape apud se non sint, consuetudine infania durata vitia, vino
concepta, etiam sine illo valent.

Hinc demonstrat Philosophus, illas, qua voluptates vocan-
tur, ubi transcederint modum, pœnas esse; ego ostendo etiam pœ-
nas mereri, mereri hostem, mereri famem, mereri pestem. Quid
mirum, si pacis & belli consilia in irritum cadunt, quando caussæ
pacis impetranda, & belli finiendi non tolluntur? Quid de fame
queruntur saturi? Sanè inter tot mala in publico luctu nondum
cessat crapula. In immensum crescit pretium panis, & a estimatio
annonæ, & instituuntur adhuc quotidianæ comessationes.
Quod non miror, potens est consuetudo vitiorum. Illud admira-
ratione dignissimum est, nondum puniri intemperantes, tabaco,
fumo, cereuisia, vino, non tantum in singulos dies, sed etiam in

singulas horas immersos; non appellari de flagitio, quo sanitas, natura, Deus offenditur; & ob quod pagi, urbes, Provinciae affliguntur, omnia ad exitium fugiendum consilia exquiruntur; de vera & unica malorum tollenda causa, hoc est, de evitandis peccatis, non satis seria, constans, efficax est deliberatio, non executio; reduxi curamus, incurata manet tabes; lenimenta dolori conficimus, hæret in vris causâ morbi; riuum siccamus, non obturato fonte; discutimus fumum molestum oculis, ignem suorem vrentem viscera. Seiungi illa non possunt, quæ nexu indissolubili sunt deuincta, culpa & poena. Admittenda sunt, quæ misericorditer Deus coniunxit, penitentia & venia. Dolendum non de poena, quæ salubris, sed de culpa quæ exitiabilis est. Lachrymas multis extorquet poena, quæ sentitur; sed abest detestatio culpæ, quæ blanditur. Quam multi dolent, non quia in sanitate & justitia, in jejunijs, in orationibus, in templis, & spiritualibus exercitijs Deo seruire nequeunt, sed quia opes, deliciae, epulæ, comportationes, ceteræ cupidines, hostium aduentu, sunt excusæ. Ad hoc orant, ad hoc anhelant, ut per pacem, ad cupiditates redeant explendas, ne publicis calamitatibus turbentur priuatæ voluptates. Quo in morbo, si ipsi jacent, quorum esieruntur, sera est spes sanitatis. Quo pacto judex sententia sua damnabit eos, quos confirmat vita sua? Siquidem, ut Philo dixit: absurdum est, criminibus teneri eos, qui alijs iura exequant & admisstrant.

XII.

Nec est, quod quis dicat, ubique vigere hoc vitium gulæ; nusquam non agitari conuiua; apud Ethnicos & Dei hostes maximos, temulentiae esse peruvicaciorem furorem; & fatentur eorum non pauci, provincias suas magis Baccho, seu Cereri, seu Semeles filio, quam Thebas ipsas esse sacratas. Cur igitur ad eos famæ non migrat? cur hostis illorum agros non depopulatur? cur nos plectimur, illis est impunè, quos sibi totos subjicit ventus, tamquam mediastinos improbos quotidiani laboribus inservientes, ut Theognis ait? Imprimis disputari potest, vbi hoc vitium magis inualefacat. Tanta enim reperitur etiam apud Christianos exorbitatio, ut videantur cum Apicijs & Sardanapalis velle de luxuria certare. Deinde demus, maiores alibi excessus inueniri,

Idem Stob.
serm. 17.

& viuere